



54897/B

82381

TENTAMEN PHILOSOPHICO-
MEDICUM,

D E
ELECTRICITATE.

QUOD,
ANNUENTE SUMMO NUMINE,
Ex Auctoritate Reverendi admodum Viri,

D. GULIELMI ROBERTSON, S.S.T.P.

ACADEMIÆ EDINBURGENÆ Praefecti;

NEC NON

Amplissimi SENATUS ACADEMICI consensu,
Et nobilissimae FACULTATIS MEDICÆ decreto,
PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS
RITE ET LEGITIME CONSEQUENDIS;

Eruditorum examini subjicit

ABRAHAMUS WILKINSON,
BRITANNUS,

Societ. Reg. Med. Edin. Soc.

Et Societ. Antiq. Scot. Soc. Corresp.

Ipse Pater, media nimborum in nocte, *corusca*
Fulmina molitur dextra, quo maxuma motu
Terra tremit : Fugere ferae, et mortalia corda
Per gentes humilis stravit pavor : Ille *flagrante*
Aut Atho, aut Rhodopen, aut alta Ceraunia *telo*
Dejicit. VIRG.

Ad diem 24. Junii, hora loquoque solitis.

EDINBURGI:

Apud BALFOUR et SMELLIE,
Academiae Typographos,

M,DCC,LXXXIII.

TESTAMENTUM
MEDICUM

ELECTRICITATE

D. GUILHELMUS ROBERTSON, S.S.T.R.

PRO GRADU DOCTORIS

ABRAHAMUS WILKINSON

BRITANNUS

Reg. Med. Edin. Soc.
Reg. Med. Lond. Soc.



Viro illustrissimo

JOSEPHO PRIESTLEY, L.L.D. S.R.S.

Scientiarum omnium, et electricitatis praecipue,

Sagaci et felici indagatori;

NEC NON,

Amicis suis carissimis,

HOLLIS EDWARDS,

ARMIGERO;

Et

Viro admodum reverendo

JOSIÆ THOMPSON, S.S.T.P.

Duſtoribus juventutis,

Parentibus orbatae fidelibus,

Haſce ſtudiorum primitias,

Grato animo,

D. D. Cq.

ABRAHAMUS WILKINSON.

I N D E X.

P A R S P R I O R.

Phaenomena Electricitatis et Natura.

P R O O E M I U M.

- Sect. I. *Modi electricitatem excitandi.*
- II. *Electrica et non-electrica.*
 - III. *Theoriae electricitatis diversae.*
 - IV. *Electricitas positiva et negativa, quaeve plus et minus appellatur.*
 - V. *Phaenomena electricitatis positivae et negativae diversa.*
 - VI. *Phiala Lugdunensis.*
 - VII. *Tormenta electrica ordine collocata.*
 - VIII. *Fluidi electrici Natura.*
 - IX. *Fulgur et electricitas idem esse demonstrata.*
 - X. *Species, quas fulgur prae sese fert, diversae.*
 - XI. *Quae ad effectus tempestatum tonitralium fugiendos necessaria.*
 - XII. *Conductores acuminati et obtusi.*
 - XIII. *Aurora Borealis.*
 - XIV. *Phaenomena naturalia, quae per principia electricitatis possunt explicari.*
 - XV. *Effectus, quos electricitas in vegetabilia edit.*

P A R S

P A R S A L T E R A.

*Electricitas Medica.**Proœmium Medicæ Electricitatis.**Febres Intermittentes.**Amaurosis, vel Gutta Serena.**Ophthalmia.**Fistula Lachrymalis.**Angina.**Rheumatismus.**Sciatica.**Odontalgia.**Podagra.**Paralysis.**Tremor.**Tetanus.**Chorea Sancti Viti.**Trismus.**Ischuria.**Amenorrhœa.**Dysphagia.**Contractiones Musculorum.**Excretio Taeniae.**Raucedo.**Contusiones nimiaeque artuum distensiones.**Tumores Cancerosi.*

TENTAMEN

TENTAMEN PHILOSOPHICO-
MEDICUM,

DE

ELECTRICITATE.

PARS PRIOR.

Phaenomena Electricitatis et Natura.

PROOEMIUM.

NULLA e scientiis diversis, quas excolunt philo-
sophi hodierni, attentionem eorum in se magis nu-
per convertit, quam electricitas, et ob consilia vitae hu-
manae gravissima quibus inservit, et ob novitatem phae-
nomenorum ejus et naturam mirandam. Paucae scientiae
experimentis, quae plus oblectationis praebent, illustran-
tur; paucae, me judice, hominibus magis revera profue-
runt. Philosophia experimentis innitens hodie in eo est,

†

quem

quem meretur, honore. Non eam, ut olim, pro theoria mera et inani, sed pro ratione unica, qua leges naturae ad commoda generis humani promovenda possunt accommodari, habemus.

A laboribus ejus, qui experimentis instituendis in verum inquit, multum emolumenti deducunt regiones orbis terrarum longissime remotae. Mercator avarus, qui philosophi investigationes secrete contemnit, artem, quam hae sibi subministrarunt, navigia mercibus pretiosissimis onerata ab oris maxime distitis tuto devehendi adhibere non dedignatur.

Quicumque statum societatis humanae et conditionem etiam leviter consideravit, is compertum non habere non potest, quam arcte inter sese conjungantur legum naturae notitia, et ea potestas, opulentia, et commercium, quae nationem magnam et florentem efficiunt. Quot respublicae ex obscuritate emerferunt, et eam potestatem et gloriam, ut in plerasque alias nationes dominari possent, per unum instrumentum inventum, indicem nempe nauticum, sibi compararunt? Ubi hodie sunt barbari poetarum Romanorum Britanni? Quamdiu ingenium

Archimedis

Archimedis foecundum, conatus legionum Romanarum potentes et validos frustratum?

Quae commoda vero a philosophia ab experimentis deducta oriuntur, ea omnes hodie tam bene norunt, ut pauci de summo ejus momento audeant ambigere. Hac de re fusius differui, quoniam neminem, qui historiam electricitatis evolvit, potest latere, progressum, quem nuper fecerit, rapidissimum, ab investigationibus, quibus faciem praetulerunt experimenta, ex toto fere pendere.

Inter naturam electricitatis contemplandam non mirari non possumus, fluidum in omnes partes diffusum, et in omnibus rebus existens, quod ab unoquoque sensuum humanorum percipi potest, attentionem philosophorum tamdiu fugisse. Quantopere doluissemus commoda, quae electricitas a laboribus immortalis Newtoni deducere potuisset, amissa, nisi Franklinus et Priestleius, illo magno philosophiae lumine sublato, orti fuissent! Diligentia philosophorum hodiernorum felix et prospera contemptum, quo hanc scientiae partem affecerunt secula antecedentia, aliqua ex parte pensasse videtur.

S E C T. I.

Modi electricitatem excitandi.

Rationes autem maxime communes, quae faciunt ut substantia signa electricitatis ostendat, sunt eam fricare, vel sine frictione calefacere. Quinetiam aërem ei violenter inspirare idem saepe praestabit. Ita magna tormenta bellica displosa, et cellae pulvere nitrato repletae subito diffusae, &c. vitreas fenestras electricitate impertiri fuerunt reperta. Haec vero electricitatis signa, si ea cum reliquis comparaveris, tantum levia sunt; et unica ratio efficax, qua ulli effectus insignes edi possunt, est frictio*.

Omnis substantia, quae ullo modorum supra comprehensorum signa electricitatis edere cogi potest, qualia sunt corpora leviuscula attrahere et repellere, lucem emittere, &c. easdem proprietates cum qualibet alia, quae eam tangit, communicabit. Haec per tempus, dum haec signa manent, electricitate affici dicitur.

Omnia

* Beccaria's electricity, chap. 6. p. 56. Hawksbee's physico-mechanical exp. p. 54. Gilbert de Magnete, lib. 2. cap. 2.

Omnia quae calefacta, fricta, vel afflata, notas electricitatis ostendunt, *electrica per se* appellantur. Quae verò eodem modo affecta idem non praestant, nisi aliud, quod eas jam edit, tangat, *non-electrica* nominari consueverunt *.

S E C T. II.

Electrica et non-electrica †.

Haec vocabula, si stricte loquaris, sunt aliena. Namque experimenta viri admodum ingeniosi Henleii, qui nuper floruit, accuratissima satis superque testantur, illa etiam corpora, quae pro conductoribus et non-electricis perfectissimis haberi consueverunt, administratione idonea et electrometro accurato, portiunculam electricitatis dare cogi posse. Potestas autem corporum diversorum conducens facile potest comperiri, si ea partem circuitus displosionis phialae Lugdunensis reddes. Si phiala, dum pars circuitus

manet,

* Phil. Trans. abridged, vol. 8. p. 427. Dantzick Memoirs, vol. 1. p. 261.

† Vide catalogum electricorum et non-electricorum apud auctores sequentes : Cavallo's electricity, chap. 2. p. 5. Priestley's history of electricity, vol. 1. period 8. § 3. p. 157.

manet, facile possit displodi, conductores sunt; si, contra, rebus ita se habentibus, exonerari nequeat, *non-conductores* merito appellari possunt. Notari potest, electrica vel non-conductores, quales sunt vitrum, aër, &c. calefactos conductores evadere. Nonnulli conductores, penitus exsiccati, in non-conductores vertuntur. Hoc in ligno incidit. Recens electricitatem devehit. Ad ignem, contra, arefactum hoc non amplius praestat, et electricum evadit. Hoc in statu in experimentis electricis pro non-conducente frequenter adhibetur.

Iis, quae materiam electricam non deducunt, annumeratus fuit aër; notissimum tamen est machinam electricam, corpusve oneratum, aëri libere objectum, magnam suae electricitatis partem frequenter amittere. Hoc quantitati humoris, quo atmosphaera repleti consuevit, debetur. Nihil potestatem electricam, vel quantitatem accumulata, aequè, ac hic aëris humor, debilitat. Igitur, coelo humido, necessarium reperietur machinam prope ignem habere, et instrumentum, unde fricatio proficiscitur, et reliqua constanter siccare. Vir ingeniosissimus Dr Black, cujus observationem accuratam paucissima quidem phaenomena fugerunt, in praelectionibus tradit, se, inter quaedam experimenta peragenda, electrometrum exigua
humoris

humoris quantitate, quae e flamma candelae juxta instrumentum collocatae effundebatur, affici notasse.

Non silentio hic praetereundem videtur, nubes fulmineas nihil aliud esse, quam vapores humore electrico onustos.

S E C T. III.

Theoriae electricitatis diversae.

Thales, qui potestates succini attrahentes primus observavit, tantum abfuit ut phaenomenon potuerit explicare, ut succinum vitam crediderit habere *.

Quae theoria omnium prima fuit excogitata, ea effluvia unctiosa ab electrico excitato posuit emitti.

Haec vero omnibus corporibus sibi adversis semet adjungere, et omnia, quae non nimis erant gravia, secum referre existimabantur. Namque eo tempore effluvia omnigena

* Theophrastus de Lapidibus, p. 395. Plinii nat. hist. l. 37.

cap. 3. Linnæi Flor. Zeylon. Lapis electricus.

nigena ad corpora, unde fuerant profecta, reverti credebantur, quod nemo aliter, cur non exitu effluviorum continuo gradatim confumerentur, explicare valebat.

Postquam vero philosophia Newtoniana semet latius diffudit, vocabula *attractio* et *repulsio* in electricitatem, et in reliquas quoque philosophiae partes, inveni coeperunt, et effluvia electrica pro natura unctuosa attrahentem et repellentem habere credita.

Cum vir celebris Du Fay * duas electricitatis species, sibi invicem contrarias, sub id tempus nominibus *vitrea* et *resinosa*, et postea *plus* et *minus*, vel *positiva* et *negativa*, insignitas, invenit, duos humores electricos omnino diversos esse finxit. Ambo, quantum ad singulos attinebat, vim repellentem, sed inter sese attrahentem, habere sunt existimati.

Moris adhuc fuerat materiam electricam e corpore ipso per frictionem evocari putare. Caeterum vir doctus Dr Watson † per experimenta comperit, eam a terra recipi,

quod

* Memoires de l'Acad. Par. 1733, p. 639. Leçons de physique; p. 293.

† Phil. Trans. abridged, vol. 10, p. 311.

quod theoria *affluxus* et *effluxus* originem praebuit. Haec autem materiam electricam ad globos affluere, et ex iisdem etiam rursus effluere posuit. Hanc theoriam suffulgit Abbé Nollet, qui opinatur fluidum in omnibus electricis operationibus in duos motus, sibi invicem contrarios, conjici, et affluxum hujusce materiae omnia corpora leviuscula prae se in corpus, quod electricitatem recipit, impulsu agere, et effluxum ejus eadem rursus referre. Quinetiam putavit unicuique electrico esse duo pororum genera, quorum alterum haec effluvia emitteret, alterum eadem in semet iterum reciperet.

Vir ingeniosus Wilsonius * censere non dubitat, principem actorem in universis operationibus electricis esse aetherem Newtonianum, qui omnibus in corporibus, pro exiguitate pororum, magis minusve densus est, si hoc, quod in sulphureis et unctuosius multo densior, excipias. Huic aetheri referuntur phaenomena attractionis et repulsionis praecipua. Insuper, multa phaenomena electrica per medium subtile omnium corporum superficiei circumdatum, quod in causa est, cur radii lucis refringantur et reflectantur, et exitui ingressuique hujus aetheris quoque obstitit, explicare conatur. Hic aether, ut ait, ad par-

vam

* Dissertation, p. 5.

vam distantiam usque a corpore patet, et eandem, quam humor electricus, naturam habet.

Theoriam celebris Franklini* plerique hodie receperunt. Electricitatem fluidum sui generis, admodum subtile, et potenter elasticum, esse ponit. Particulae hujusce fluidi summa vi semet mutuo repellunt, et aliam materiam non minus valide attrahunt. Ita, pro hypothesei Frankliniana, una materiae electricae quantitas aliam ejusdem quantitatem repellet, sed quamlibet materiae terrestris, quae casu ei proxima est, quantitatem attrahet et ab ea attrahetur. Pori autem omnium corporum hoc fluido subtili pleni esse ponuntur, et cum aequilibrium ejus non turbatur, id est, cum cuilibet corpori nec plus nec minus, quam quod ei naturale, inest, vel ea quantitas quam attractione sua retinere potest, fluidum semet mortalium sensibus non manifestat. Actio instrumenti, quod frictioni inservit, in electricum, hoc aequilibrium perturbat, defectum fluidi hic, et redundantiam ejusdem alibi faciens. Hoc aequilibrium vi interpellato, repulsio particularum fluidi mutua id reddere conetur oportet. Si duo corpora nimis onerentur, atmosphaerae se mutuo repellunt electricae, et corpus
utrumque,

* Franklin's letters, p. 3. Priestley's hist. vol. 2. § 2. Beccaria's electricity, chap. 3. p. 18.

utrumque, unum ab altero, loca versus, ubi fluidum minus densum, recedit. Cum enim attractio omnia corpora inter et fluidum electricum mutua interesse ponatur, quae corpora electricitate onerantur, ea una cum atmosphaera sua deferantur necesse est. Si corpus utrumque quantitate hujusce fluidi naturali privetur, et unum et alterum a fluido densiore, vel in atmosphaera illis contigua, vel in aliis corporibus vicinis existente, attrahuntur, quod facit ut etiamnum a se invicem, quasi plus satis onerentur, recedant.

S E C T. IV.

Electricitas positiva et negativa, quaeve plus et minus appellatur.

Omnia in toto terrarum orbe corpora certam electricitatis portionem, quae quantitas naturalis appellatur, comprehendere dici possunt. Cum plus ejus, quam quod naturale et ingenitum, alicui corpori vi adjicitur, id electricitatem positivam, id est, plus fluidi electrici, quam quod ei naturale, habere dicitur. Si pars quantitatis congenitae alicui corpori eripitur, id electricitate negativa

†

C

praeditum

praeditum esse fertur; hoc est, minus fluidi electrici, quam quod in id conferendum natura curavit, habet. Hinc quidem ratio, cur vocabulum *plus* de positiva, et *minus* de negativa electricitate adhibeatur, gravissima peti potest.

S E C T. V.

Phaenomena electricitatis positivae et negativae diversa.

1. Quanquam levia corpora, eandem electricitatem possidentia, se invicem repellunt; ea tamen, quae diversam electricitatem habent, semet mutuo attrahunt.

2. Quod una electricitas attrahit, id altera repellit, et vice versa.

3. Cum cuspis propius corpus, quod positiva electricitate praeditum est, in cubiculo obscurato adducitur, quasi stella lucida in ea se ostendit; si vero, contra, propius id quod negativam tantum electricitatem habet, pro stella pencillum, si ita loqui liceat, radiorum a corpore acuminato extremo effundi videtur †.

Hic

† Beccaria's electricity, chap. 5. p. 38. Cavallo, chap. 3. p. 11.

Hic potest notari, legem electricitatis universam summi-
 que momenti esse, ‘ corpora in atmosphaeram electri-
 ‘ cam immersa electricitatem, corporis in cujus atmos-
 ‘ phaeram immittuntur propriae omnino contrariam,
 ‘ sibi acquirere.’

S E C T. VI.

Phiala Lugdunensis.

Haec autem est experimentum celebre, quo succussus
 electricus cum aliquo potest communicari. Primum Lug-
 duni Batavorum, anno 1746, ab ingenioso Cunaeo fuit ex-
 hibitum, unde nomen *Phiala Lugdunensis* ortum. Haec au-
 tem e phiala vitrea, folio stanni †, vel qualibet alia substantia
 quae vitro arcte adhaerebit, intus et extra tunicata constat.
 Phiala quaelibet communis aqua repleta, et manu com-
 pressa, eidem consilio respondebit. Filum ferreum a parte
 interiore per collum phialae transit, quo pro lubitu one-
 rari et displodi potest. Nihil amplius ad eam exoneran-
 dam necessarium est, quam partem phialae interiorem et
 posteriorem

† Phil. Trans. abridged, vol. 10. p. 301.

exteriolem per aliquam substantiam, quae materiam electricam deducere potest, conjungere. Quo facto, protinus disploditur.

Dum electricitas interna positiva est, externa negativa. Quam portionem externa pars sponte naturae habet, ea per electricitatem, quam interna recipit, abigi videtur. Si phiala vitro vel cuilibet bono non-conductori superimponatur, onerari nequibit, quia nulla via est, qua electricitas partis externae alio devehiri potest. Igitur quantum materiae electricae in partem interiorem immittitur, tantum semper a parte exteriori fugatur. Ita phiala nihilo plus minusve electricitatis, quam ante, onerata revera continet. Unicum discrimen est, quod onusta duplicem quantitatem intus habet; quod vero omnia paria reddit, id est extra materiae electricae defectus †. Haec autem phaenomena ab hac universa lege oriri videntur, ‘ in atmosphaeram electricam immerfa, electricitatem corporis in cujus atmosphaeram inferuntur propriae contrariam, sibi nancisci.’

S E C T.

† Franklin's letters, p. 3.

S E C T. VII.

Tormenta elettrica ordine collocata.

Complures phialae * adeo conjunctae, ut omnes eodem tempore possint displodi, *seriem*, ut appellatur, *tormentorum electricorum* constituunt.

Per vim harum accumulata multa experimenta, quae oblectationem praebent et admirationem movent, peragi possunt, qualia sunt fila ferrea liquefacere, pulverem nitratum accendere, animalia momento extinguere, et multa alia.

Winklerus semina lycopodii, electricitate, quam phiala communis continebat, in aliquantum eorum immissa, inflammavit. Quinetiam aurum fulminans aliquanto membranae, quae per explosionem fuit dilacerata, superimpositum accendit.

Succussu

* Franklin's letters, p. 26. Priestley's hist. vol. I. p. 334.

Succuffu electrico vir celebris Beccaria * boracem vitrumque fundere potuit. Caeterum maxime insignia experimenta, quae succuffione electrica peregit, sunt ea, quibus calces metallorum ad formam metallicam rursus reduxit. Hoc autem fluentum inter duo calcis frustra dirigendo fecit.

Series tormentorum electricorum Priestleiana e phialis sexaginta quatuor, decem digitos longis et duos dimidiumque latis, ad summam partem usque, si digitum dimidiumque excipias, intus succinctis constat. Tota series triginta duos vitri tunicati pedes quadratos comprehendit.

Haec in manibus ejus, qui electricitati nondum diu et accurate studuit, est machina admodum periculosa. Ea, dum experimenta fiunt, caute utamur necesse est. Franklinus succuffu electrico bis sensibus orbatus. Vir quoque celebris Wilcke super pavementum sensibus privatus cecidit, toto ampli receptaculi chemici onere percussus a capite ad calcem percussus. Suspicebatur, si ictus quinquies major fuisset, se nunquam quod ei accidit memoriae fuisse proditurum.

S E C T.

* Beccaria's electricity, chap. 4. p. 312.

S E C T. VIII.

Fluidi electrici Natura.

Ratio cujusslibet rite investigandi idonea est animum ad effectus ejus diligenter attendere. E phaenomenis electricitatis diversis consideratis, facile discimus, eam lucem, calorem, et odorem, qui a sensibus clare percipitur, edere. Hinc cogimus eam ad naturam eorum, quae effectus similes plane edunt, aliqua ex parte accedere. Hi omnes quidem effectus ignis proprii *. Licet vero res ita sese habeant, iis philosophis neutiquam assentiri possum, qui electricitatem et ignem idem esse ponunt; etenim nonnullis in rebus effectus eorum differunt.

Nullae notae, quae praesentiam electricitatis plane designant, ubi ignis existit, detegi possunt. Si vero idem forent, et hic et illa una reperirentur, et, ubicunque quaelibet ignis quantitas existeret, ibi eadem fluenti electrici quantitas quoque subesset, quod experientiae adversatur.

Modus,

* Beccaria's electricity, chap. 5. p. 313.

Modus, quo ignis et electricitas diffunduntur, ex toto differre videtur. Fluidum electricum per spatium admodum magnum puncto temporis fere transit. Hoc clare et evidenter probabant experimenta a celebri Watsonio aliisque prope Londinum instituta. Dici potest, electricitatem, certis rebus substantibus, et calorem et lucem esse daturam. Caeterum habemus compertum, calorem lucemque a frictione oriri. Cur igitur non ponere licet, fluidum electricum motu per substantias, quae transitui ejus aliqua ex parte obsistunt, lumen, calorem, aliosque ignis effectus, frictione posse progenerare?

Quanquam vero opinionem eorum philosophorum, qui electricitatem ignemque idem esse opinantur, repudiemus; ratio tamen, ut experimenta Henleiana testantur, non deest, cur eam formam ejusdem principii, nempe phlogisti *, diversam esse credamus. Observationes ejus, quae ingeniosissimae

* Priestley on air, vol. 2. § 13.

Hic vir illustrissimus me de sequentibus, quae nuper ingeniosus invenit, quaeque juris publici fieri permisit, per epistolam certiores fecit: ‘ I have lately ascertained, more unexceptionably than I had done before, that the electric spark diminishes common air, and phlogisticates it. Instead of using metal wires, I confine the air in

Ingeniosissimae summiq[ue] momenti sunt, subsequuntur,
 Constanter, inquit, notamus :

I. Duo corpora, quae aequam phlogifti quantitatem habent, (quod in corporibus ejusdem generis, qualia sunt vitrum et vitrum, metallum et metallum, &c. incidit) si inter sese fricantur, admodum parum nihilve electricitatis omnino sibi comparare.

II. Si unum corporum majorem phlogisti quantitatem

+

D

habet,

a glass syphon, nearly filled with dephlogisticated marine acid, each leg of the syphon being placed in a separate phial, containing the same acid, and the electric explosion made to pass frequently through the air at the top of it. If I use the vitriolic or nitrous acid, I get an increase of air, which is dephlogisticated, the acids being converted into pure air faster than the electric spark can injure it, which proves, contrary to my former opinion, that dephlogisticated air is only a modification of those acids, without any earth in its composition. If I use the phosphoric acid, and the phlogisticated alkali, the common air is first diminished, and then increased by an addition of inflammable air. This is always the case when I throw the focus of a burning lens on charcoal, or any thing else that gives inflammable air, in any quantity of common air; and I have consequently proved the identity of phlogiston and inflammable air.

habet, ut cum vitrum metallo affricatur, ea plus electricitatis sibi adipisci.

III. Certum frictionis gradum electricitatem, violentiorem ignem progenerare, sed nullam electricitatem, ut notari potest, a duabus portionibus ligni exsiccati, vitri, &c. frictis oriri.

Ea plerumque, quae majore phlogisti quantitate sunt praedita, fluidum electricum cum iis, quae minus ejus habent, communicare, et majorem phlogisti quantitatem possidentia negativam electricitatem sibi acquirere.

Ingeniosus philosophus supra comprehensus quoque reperit, quod admodum insigne est, ea, quae multum phlogisti continent, qualia sunt substantiae vegetabiles, praesertim plantae acres, aromaticae, et semina earundem, fluidum electricum praebere, id est, electricitatem negativam sibi adipisci, pannis laneis affricata, et ea, quae parum phlogisti comprehendunt, qualia sunt pleraeque e substantiis animalibus, fluidum electricum ab iisdem pannis sibi acquirere, id est, positiva electricitate praedita evadere.

S E C T. IX.

Fulgur et electricitas idem esse demonstrata.

Multi, qui in studium electricitatis incubuerunt, praefertim doctus Abbé Nollet *, similitudinem, quae fulgur inter et electricitatem intercedit, notaverunt; sed Franklinus † celeberrimus primus fuit, qui rationem demonstravit, qua hoc posset comperiri, singularem. Hortatus est, ut aliquis specula inclusus in turri edita fellae electricae superimposita, adeo ut, si tale liceat adhibere vocabulum, infularetur, collocaretur. Si hoc in situ virgam ferream triginta pedes longam manu teneret, fulgur a nubibus deduci posse putavit. Vir celebris Dalibard ‡ Gallus fuit primus, qui per apparatus, pro hortatu Doctoris formatum, fulgur e nubibus elicuit. Hoc anno 1752 factum. Brevissimo vero post tempore Franklinus ipse in America, quod in Europa fieret ignorans, per milvum chartaceum, cujus

* Leçons de physique, vol. 4. p. 34.

† Franklin's letters, p. 323.

‡ Priestley's hist. vol. 1. § 10.

cujus periculum casu fecit, dum alia parabantur instrumenta, fulgur a nubibus revera deduxit. Quae maxima quantitas unquam de nubibus arte descendit, eam vir celebris Deliomare in Gallia detraxit. Milvus autem ejus septem pedes dimidiumque altus tresque latus fuit. Filum ferreum funi Milvi cannabino fuit intertextum, quod materiam electricam fortius devexit. Die Junii septimo, anno 1753, eum pedes quingentos quinquaginta ab humo elevavit. Scintillae digitum longae, et quartam ejusdem partem crassae, fuerunt.

Anno 1753, qui eum excepit, quo fulgur et electricitas idem esse reperta, ingeniosus Professor Richmannus *, in res naturae avidissime inquirens, infeliciter extinctus. Mortem subitaneam ei intulit globus igneus tempora ei feriens, dum caput apparatus virgae ferreae, culmini domus suae affixae, per quam fulgur descendebat, adjuncto nimis arcte admovebat. Si apparatus ejus cum humo rite fuisset conjunctus, diem supremum hoc modo non obiturum, fuisse admodum probabile.

Omnes fulguris effectus electricitas potest imitari.

I. Ful-

* Phil. Transf. vol. 48. part 2. p. 765.

1. Fulgetrum incurvatum esse videtur. Eandem formam habet scintilla electrica, cum e corpore, cujus superficies est inaequalis, elicitur, vel per conductorem non rectum devehitur.

2. Fulgur altissima et maxime acuminata, quam alia, percutere mavult.

3. Fulgur sibi obvios et optimos conductores, quam alios, praeoptare ponitur. Hinc celebris Franklinus tutius esse ducit, tempestate saeviente tonitruali, vestimenta humida, quam sicca, habere, quod pars fulgetri ad terram per aquam potest deduci.

4. Fulgur quae petit accendit. Pulvis nitratus electricitate inflammatur.

5. Metalla fulgur nonnunquam dissolvit. Fila quoque ferrea, fluente materiae electricae fortiore per ea transmissa, fundi non raro vidi.

6. Nonnulla dilacerat fulgur. Charta simplex et e foliis compluribus confata electricitate perforantur.

7. Vitam

7. Vitam animalem extinguit fulgur. Animalia etiam interimit electricitas.

8. Homines obcaecat fulgetrum. Quinetiam columbam succussum per electricum Franklinus, et canem eodem modo, caecitate affecit Priestleyus.

9. Eam magnetibus, qua ad polum Arcticum vergunt, potestatem contrariam in partem vertit fulgur. Priestleyus electricitate polum versus metallis proclivitatem dedit, et pro lubitu invertit.

Notitia cum multis mihi intercedit, qui succussionem electricam a fulgure revera acceperunt.

S E C T. X.

Species, quas fulgur prae sese fert, diversae †.

Quam maxime formidabilem et exitiosam, quantum novimus, formam sibi unquam fulgur assumit, ea est globorum

† Vide an account of a most dreadful thunder storm which happened at East Bourn in Suffex; Phil. Trans. 1781, vol. 81. part 1.

borum igneorum. Horum autem motum saepissime non difficulter videt oculus; ubicunque vero cadunt rupti, quod semper repentina explosione tormentorum bellicorum propriam referente fit, multum noxae loco viciniaeque ejus inferunt. Nonnunquam procurrunt quieti, vel super aliquo sibi obvio requiescunt, et deinde in frustra compluria dissiliunt, quorum unumquodque disploditur, vel totus globus simul rumpitur, et effectus uno tantum loco perniciosos circumscribit. Quae species ad hanc effectibus nocivis proxime accedit, ea est obliqua et angulata; namque ea, quae fulgurationum parum distinctarum formam sibi induit, cujusque species non potest facile notari, raro aut nunquam nocet. Color quoque fulguris aliqua ex parte vim nocentem indicat. Fulgurationes pallidissimae et lucidissimae plurimum, rubrae vel colore magis fuscae minus detrimenti, secum adducunt.

Proprietas fulguris, praesertim obliqui et angulati, cum non longe abest, mirabilis est haec, quod ubique adeste videtur. Si duo homines in cubiculo stent, diversas in partes prospicientes, et fragor horrendus fulgure obliquo et anguloso stipatus incidit, et unus et alter fulgurationem, non tantum obscure per id, quod ignis omnigenus in atmosphaeram diffundit, lumen, sed ipsam fulguris formam,

nam, et omnem quem cursu facit angulum aequè clare perspicueque videbit, ac si recta nubem, unde proficiscatur, aspexerant. Si aliquis eo tempore librum, vel quodlibet aliud quod manu teneat, casu inspiciat, fulguris formam semet inter oculisque objectum evidenter videbit. Hoc fulguris, et nullius alius ignis generis, proprium esse videtur.

S E C T. XI.

Quae ad effectus tempestatum tonitralium fugiendos necessaria.

Ex hoc, quod fulgur altissima, per quae ad terram descendit, ferire amat, clare constat quam periculosum sit, tempestate tonitrali saeviente, sub arbores confugere. Quod praesidium promittere videntur, id admodum fallax. Qui rami tremulos mortales adversus tempestatem specie tutos reddunt, ii revera nihil aliud quam fulmina cor versus certius deducunt.

Forfitan tutissimum est, dum tempestas coelum terramque miscet tonitralis si peregre simus, octo decemve ulnas ab arbore consistere. Arbor etenim, rebus ita se habentibus,

habentibus, fulgur, antequam ad nos accedit, attrahit, dum eodem tempore extra spatium, ad quod ictus fulmineus patet, collocamur. Si in cubiculo simus, conveniet quam longissime recedere a camino, a filis tintinnabulorum ferreis, aliisque metallicis, per quae, ut optima conductia, fulgur plerumque descendit. Cubiculum medium forsitan locus tutissimus. Memoria semper tenendum, fulgur optimos, non brevissimos, conductores sibi eligere. Si cathedra panno bombycino oblecta posset comparari, et aliquis, pedibus humo sublatis, ei infideret, multo forsitan tutior foret. Cella vero, vel quaelibet alia pars subter terram, optimum perfugium haud dubie praebet. Namque fulgur prius per superficiem terrae, quam aliquem hoc modo situm potest ferire, transeat necesse est.

S E C T. XII.

Conductores acuminati et obtusi.

Inter philosophos acriter fuit certatum, utrum virgae metallica, acutae vel obtusae, tempestate saeviente tonitrali, praesidium majus suppeditent. Quantum ad metipsum attinet, si e multis experimentis, quae institu-

†

E

enda

enda et repetenda curavi, quaeque hic recensere longius foret, liceat judicare, haudquaquam possum ambigere, quin illae his debeant anteferri. Acuminibus, et, ut primo intuitu videtur, non sine ratione gravi, fuit objectum, quod fulgur attrahunt. Fulgur attrahere quidem confiteor; sed succussum, qui solus periculum habet, attrahere nego: Contra, huic plane occurrunt. Namque, e duabus domibus, quarum una virgam obtusam, et altera acutam habeat, ejus, quae obtusa sit instructa, culmen multo propius nubes electricitate gravidæ transibunt. Apex vero nubes attrahit, et eas igitur electricitate sua prius orbat, quam spatium, quo solent ferire, attingunt. Exoneratae autem, a nubibus electricitate positiva repletis, sibi proximis attrahuntur, et tandem longius a domo, quam ante, attolluntur.

§ E C T. XIII.

Aurora Borealis.

Hoc phaenomenon nunquam in Europa, ante hujusce annorum centuriae initium, semet ostendisse plerique existimaverunt. In hoc vero fallantur necesse est; a celebri

Keplero

Keplero enim, anno 1607, et a Gassendi 1621, fuit descriptum. Anno 1717, quadam mensis Martii nocte aurora borealis semet in conspectum totam per Britanniam dedit, quod omnium incolarum admirationem movit. Accurata hujus descriptio a Dr Halley in lucem fuit edita. Hoc forsitan in causa erat, cur nunquam ante hoc tempus in Britannia apparuisse crederetur.

Hoc phaenomenon insigne nunquam, quantum novimus, austrum versus, ultra gradum latitudinis septentrionalis quadragesimum, adhuc sese diffudit. Magis in Anglia quam in Gallia, multo magis in Scotia quam in Anglia, et multo magis etiamnum in Islandia quam in ulla alia, quam novimus, regione abundat. Hic, Augusto praecipite, constanter apparet, et singulis noctibus, sine ulla fere intermissione, adensem Aprilem usque effulget:

Plerique Dr Watson primum, qui auroram borealem pro phaenomeno electrico habuerit, fuisse putant. Cur hoc ei in mentem venerit, in causa fuerunt scintillae electricae in vacuo notatae, quae fulgurationes aurorae borealis magnopere referunt. Caeterum, inter historiam Norvegiae naturalem Pontoppidani olim perlegendam, me non fugit illum auctorem eandem in sententiam concessisse,

fiffe, quanquam liber ejus in vulgus ante fuit editus, quam fulgur et electricitas idem esse reperta.

Donec vir celebris Mairan ortus est, hoc phaenomenon exhalationibus sulphureis plerumque referebatur, quae in atmosphaera cum aliquanto inflammationis displodi existimabantur. Ille posuit, atmosphaeram solarem trigefies decem centum millia passuum, ad minimum, ab orbe suo patere, et partem ejus extremam nonnunquam ab orbe nostro et atmosphaera terrestri attrahi; et auroram borealem igitur nihil aliud esse, quam fluenta atmosphaerae solaris attracta, et in partibus nostrae atmosphaerae maxime attenuatis semet ostendentia.

Quanquam magnus Franklinus aliam in sententiam ivit, eam pro electrico phaenomeno non habere non possum. Cantonius ingeniosissimus, qui fato nuper concessit, quantitatem electricitatis non parvam, se ostendente aurora boreali, per apparatus fastigio domus suae affixum non raro collegit. Vir quoque ingeniosus Warltire, qui praelectiones super philosophia naturali in Anglia tradit, affirmat se fragorem, dum aurora borealis apparebat, audisse. Quinetiam Professor illustris Dr Walker me certiore

certiorem fecit, virum clarum Short astronomum confiteri eundem ad aures suas pervenisse.

Occasio de aurora, quae ante paucas hebdomadas Edinburgi apparebat, quaedam notandi mihi nuper subministrata. Aërem plus electricitatis, quam unquam ante noveram, per electrometrum atmosphaericum reperi continere *.

S E C T. XIV.

Phaenomena naturalia, quae per principia electricitatis possunt explicari.

Turbines aquosi, Anglice *water-spouts*, ab electricitate forsitan pendent. Quae ratio eos efficacissime tollit, ea est corpus acuminatum eos versus dirigere. Vir celeberrimus Cook, inter navigandum ad maria Australia, unum vidit, qui ruptus est et fulguratione finitus.

Stellae

* Vide Memoires de l'Academie de Sciences de Berlin 1782, Mem. de Auror. Boreal.

Stellae deciduae * principiis electricitatis optime explicantur. Vir celebris Beccaria aliquid hifce non abfimile, milvum fuum verfus, qui confilio electricitatem colligendi in aëre volabat, movere notavit.

Ratio graviffima non deeffe videtur, cur ea lumina, quae malis navium, haftis militaribus aliifve acuminatis infidant, electrica effe credamus. Multa hoc genus phaenomena in hiftoria memoriae fuerunt prodita. Quod fequitur Seneca refert † : ‘ Gylippo Syracufas petenti vifa ‘ eft ftella fuper ipfam lancem conftitiffe. In Romano- ‘ rum castris vifa funt ardere pila, ignibus fcilicet in illis ‘ delapfis.’

Phaenomena torpedinis ‡ et gymnoti electrici, vel anguillae electricae Surinamenfis in America Australi, per experimenta accuratiffima electrica effe reperta.

S E C T.

* Sir William Hamilton’s observations on the eruption of Mount Vesuvius in 1779 ; Phil. Transf. 1780, vol. 70. part 1. p. 42.

† Senec. quaeft. natur. cap. 1. . Caefar de Bello Africano, cap. 6.

‡ Pringle on the torpedo.

S E C T. XV.

Effectus, quos electricitas in vegetabilia edit.

Vegetabilia electricitate afficere apud Britannos primum inceptum est. Vir clarus Maimbray duas myrtos per totum mensem Octobris 1746, Edinburgi succussionibus electricis frequenter reiteratis, objecit. Germina et ramos maturius, quam alia ejusdem generis virgulta, quae electricitati non fuerant objecta, ediderunt.

Hoc experimentum cum accepisset Abbé Nollet, idem tentare ipse decrevit.

Duas ollas hortenses eadem terra replevit, et eadem femina in utraque fevit. Eas in eodem loco constanter habuit, et eandem utriusque curam egit, praeterquam quod altera per dies quindecim continuos, et per duas tresve, aliquando quatuor, singulis diebus, horas, fluido electrico fuit subiecta. Hoc fecutum: Olla electricitate affecta germina feminum duos tresve dies, antequam altera,

tera, semper ostendit. Quinetiam plura et longiora dato tempore edidit. Unde vir clarus coegit, virtutem electricam ad germina aperienda et explicanda, et igitur ad incrementum plantarum promovendum, conferre. Eadem quoque experimenta sub idem tempus a viris generosis Jallebert, Bose, et Abbé Menon academiae Bueillensis Andegavi praefecto instituebantur, qui omnes eadem inde deduxerunt.

Insuper, Abbé Nollet * in quatuor vel quinque horas continuas fructus, virides plantas, et spongas ex aqua intinctas, ictibus electricis subdidit. Ea omnia ante experimentum accurate ponderaverat. Hoc vero peracto, aliis ejusdem generis, una cum iis ante et post experimentum ponderatis, et in eodem loco temperieque habitis, insigniter leviora esse comperit.

Dum humores in tubis exilitatem capillorum adaequantibus promovent, motum eorum accelerat materia electrica.

In vegetabilia evaporationem promovendo, id est, magnam perspirationis functionem, quae absorptionis eorum,

et

* Nollet, Recherches, p. 355.

et ascensus in caule fucci causa est, juvando agere potest. Incrementum quoque vegetabilium, ea alimenti appetentiora reddendo, accelerat.

Vir celebris Du Hamel * memoriae prodit, vegetabilia melius in aëre calido humidoque, cujus motus vix manifestus, quam in sicco et agitato, crescere. Hic autem status aërius transitui fluidi electrici maxime favet.

Quaeri potest, utrum fluidum electricum solum sine lucis auxilio plantam viridi colore possit impertiri?

Professor noster historiae naturalis ingeniosus Dr Walker speciem fulguris languidi sine tonitru esse contendit, quae eam rubiginis speciem facit, quae frequenter in hortis et arboribus fructus edentibus notatur, et ab hortulanis Anglice ‘*a fire blast*,’ appellatur. Eam semel accuratissime observavit. Una ex hisce mensis Maii noctibus, quando nec pluvia, nec ventus, nec gelu erat, semet ostendebat, et omnia germina et folia contrahebat et vitiabat. In hoc et quibusdam aliis exemplis conjecturae, quae sequitur, fundamentum non deesse vir celebris existimat, aliquantum attractionis nempe fulgur inter et

†

F

effluvia

* Hopaci illust. praefect.

effluvia sulphurea, quae a plantis proficiſcuntur, intereſſe. Quod hoc magis probabile reddit, id eſt obſervatio hortulanorum fere quotidiana, arborem ſcilicet, niſi floreat pulveremque ſulphureum diffundat, rubigine corrumpi non periclitari.

Filia Linnaei plantam, quae Tropaeolum majus nominatur, nuper invenit, quae ſcintillas igni electrico fimiles emiſit *.

P A R S

* Bultney's view of the writings of Linnaeus, p. 220.

P A R S A L T E R A.

Proæmium Medicae Electricitatis.

COMPLURES electricitatis in corpus humanum effectus sunt, unde multum fructus medici possunt percipere. Ictus arteriarum solitos una sexta parte aut circiter auget. Velocitatem, qua fluidum per vas capilli exitatem habens transit, intendit, et perspirationem insensilem igitur et secretionem glandularem promovet.

Eam perspirationem insensilem augere sequentia quoque testantur, quod pondus fructuum et animalium imminuit, et humorum evaporationem adauget.

Quod certa corpora movere et actionem vasorum excitare valet, successu cum prospero in obstructionibus adhiberi potest.

Quantum rationem electricitatem corpori humano admovendi spectat, electricitatio, si ita loqui liceat, simplex, scintillae

scintillae et electricitatem per puncta lignea leniter elicere, melius votis medicorum respondere nuper reperta sunt, quam succussus valentiores.

Effectus electricitatis medici, ut in omni fere alio remedio novo incidere consuevit, nimis laudibus haud dubie fuerunt elati. Medicorum vero plerique in partem ex toto contrariam iverunt, et de efficacia ejus nimis temere dubitarunt, quod in paucis, iisque levioribus, quae facta sunt, periculis non bene processit.

Quanquam electricitas multos in morbos forsitan nihil poterit; generi humano tamen non gratulari non possumus, eam materiae medicae esse adjectam, eandemque ditasse. Quos effectus in corpus humanum edit, ii multo plus attentionis merentur, quam medici adhuc iis impenderunt.

Febres Intermittentes.

Vir clarus Symes, in dissertatione sua de igne, tria tertianarum exempla refert, quae depulit electricitas. Duo aegrotantium pueri erant, quorum natu major novem annos, junior quinque habebat. Nullis remediis morbus
adhuc

adhuc paruerat. Brevi ante accessionem frigoris succussum electricum acceperunt. Hoc bis facto, morbus decessit. Duobus mensibus circumactis, unus puerorum in fluvium incidit, et morbus repetivit. Electricitas tunc ne minimum quidem effectum edidit.

Tertius aegrotorum semet labore diurno toleravit annos sexaginta natus. Eodem modo electricitate fuit affectus, et morbus nunquam postea, nisi semel, idque tantum in tria minuta, rediit.

Quidam philosophus, in primis ingeniosus, qui medicae electricitati admodum attentus studuit, me certiore facit, se eam successu cum prosperrimo in intermittentibus adhibuisse. Ab electrificatione simplice primum incipit, deinde ad scintillas, et postremo ad succussum progreditur. Monet ut aegrotus ad lectum sese, cum primum fieri potest, conferat, ubi sudor ei copiosus plerumque movetur.

Symes on fire.

Theses sur la medecine electrique, par Monsieur Pierre Zetzell, p. 297.

Phil. Transf. vol. 47. p. 351.

Cavallo's electricity, p. 62.

Amaurosis,

Amaurosis, vel Gutta Serena.

Electricitas hoc in morbo optime cessit. Complures casus enarrandos curavit vir clarus Hay, chirurgus Leedsiensis, ubi morbum ex toto sustulit. Quod ad unum eorum attinet, sequentia tradit: ‘ Being present with
 ‘ the patient the first time she was electrified, I was greatly
 ‘ pleased to find her immediately relieved by the operation. After drawing sparks from the part affected,
 ‘ about a quarter of an hour before any shocks were given, she assured me she could perceive the light with
 ‘ her right eye; and, upon inspection, it was evident that
 ‘ the iris had begun to contract itself.’

Electricitatem successu cum prospero in nosocomio Edinensi adhiberi ipse vidi; sed frequenter non votis ad eam decurrentium respondit. Westleius curationem electricitate perfectam memorat, postquam aegrotus annos quatuordecim caecitate laboraverat. Quinetiam vir clarus Floyer, chirurgus Dorcestriensis, in epistola ad Doctorem Bent Exoniensem, duos guttae serенаe casus verbis depingit, quos sustulit electricitas. Quanquam vero in
 hisce

hiscæ exemplis magnopere profuerit, minime negandum in hoc morbo incassum sæpe tentatam.

Cavallo's med. electricity, p. 54.

De Haen ratio medendi, vol. 1. p. 239.

London med. observations, vol. 5. p. 1.—31.

Medical commentaries, vol. 3. p. 404.

Recueil sur l'électricité médicale, vol. 1. p. 278.

Becket's electricity, p. 70.

Symes on fire.

Ophthalmia.

Sentillies

Inflammationem oculi aegrum ~~icibus~~ electricis bis ob-
ficiendo depelli novi. Optima electricitatem in affectibus
oculi adhibendi ratio est eam in oculum per corpus acu-
minatum leniter immittere.

Edinb. phys. essays, vol. 3.

De Haen ratio medendi, vol. 1. p. 240.

Fistula Lachrymalis.

Quae verba vir ingeniosus Cavallo, super usu electrici-
tatis hoc in morbo differens, adhibet, ea sunt admodum
insignia: ‘ All cases of fistula lachrymalis, as far as I

‘ am

‘ am informed, that have been electrified by persons of
 ‘ ability, have been entirely cured.’

Vir ingeniosus Lovett Vigornienſis caſum fiſtulae lacrymalis, quem electricitas ſanavit, memoriae prodiſt.

Morbus oculi rarus et inſolitus, vitrei humoris nempe opacitas, aliquanto ante per electricitatem ex toto ſublatus. Hic ſolus ejuſdem generis caſus eſſe videtur ubi electricitas fuit adhibita.

Cavallo's med. electricity, p. 55.

Lovett's elect. rendered uſeful.

Angina.

Ferguſonio ingenioſo angina per electricitatem fuit ſanata. Quinetiam vir celebris refert, ſe ea alios aegrotantes ſimiliter affectos ſaepe levaffe.

Quinetiam Lovett, ſupra comprehenſus, caſus huiusce morbi, in cujus auxilium prompta fuit electricitas, mentionem facit.

Inſuper,

Infuper, Becket Bristolienſis haec exempla ſua experientia confirmat.

Becket's electricity, p. 99.

Ferguson's electricity, p. 125.

Lovett's electricity.

Rheumatismus.

Non raro novi dolores rheumaticos leviores, a frigore ſubito collecto ortos, electricitate arceri, praefertim cum nullo, quamvis aegroto moleſti, vel admodum modico tumore fuerunt ſtipati. Eam vero in exemplis rheumatismi pertinacibus ſaepe nihil omnino profuiſſe non ignoro.

Sciatica.

Wefleius de duobus ſciaticae caſibus meminit, qui electricitate depulſi. Viri clari ſupra poſiti Lovett et Symes ſinguli ſingulos memorant. Succuſſus electricus in partem laborantem immiſſus.

Dr Zetzell affirmat, quibuſdam in exemplis nihil prodeſſe, in aliis levationem afferre, et in nonnullis doloris ſedem mutare.

Ad eam nosocomio in Edinenſi fruſtra decurſum eſſe ſcio.

Wefley's deſideratum.

Symes on fire.

Recueil ſur électricité, p. 294.

Odontalgia.

Succuſſiones electricas hoc in morbo feliciter adhibui, ſed frequenter non profunt, quod forſitan a ſtatu dentis diverſo pendet. Cum dolor a frigore vel rheumatismo proficiſcitur, eum plerumque tollunt; ſi vero a carie dentis oritur, parum auxilii inde ſperandum.

Lovett's eſſay, p. 112.

Podagra.

Nulla novi exempla, ubi arthritidem fuſtulit electricitas. Hoc vero factum fuiſſe, ſi fides auctoribus habenda, nequit negari.

Becket's electricity, p. 84.

Symes on fire.

Lovett's electricity.

Cavallo, p. 61.

Paralyſis.

Paralysis.

Quin mortales hoc morbo confluentes ad sanitatem electricitate reducti sint, ambigi nequit, cum rem ita sese habere auctores gravissimi testentur. Hoc vero rarissime contingere credo. Compluribus in exemplis periculum ejus sine commodo fieri vidi. Ad eam in paralyfi linguae, sed parum prospere, confugit vir jure celebris Dr Home. Caeterum silentio non debet praeteriri, aegrotum adeo aetate fuisse provectum, ut vix posse restitui videretur.

Hoc saltem forsitan dicere possumus, electricitatem in curatione paralyseos non minus efficacem esse, quam quodlibet aliud remedium. Cum vero nullum universa materia medica comprehendat medicamentum, quod in morbum, plerisque saltem in exemplis, multum posse videtur, electricitatem, utcunque sit anceps, haud dubie tentare debemus.

Qui aegrotantes a De Haen sunt comprehensi, ii, saltem pars eorum major, fumis metallicis admodum fuerant objecti. In exemplis autem hujusmodi plurimum auxilii promittere videtur.

Notatum

Notatum fuit, et quod memoria teneatur minime indignum est, succussionem electricam, cum in paralyfi adhibetur, secundum cursum, quem nervi tenent, deductam, summum commodum secum adducere repertam, ubi ratione communi corpori admota nihil omnino profuerat.

Franklinus electricitatem in paralyfi sine successu prospero tentavit.

De duobus exemplis, ubi paralyfis fulgure sanata, certior nuper sum factus. Alterum eorum in nosocomio Germanico, quod, tempestate tonitruali saeviente, de coelo tactum, sese ostendit. Tertium quoque, quod in vulgus fuit editum, offendi, sic sese habet: ‘ Mulier, quae
 ‘ sexto aetatis anno, ex subito terrore, paralyfi totius corporis, excepto solo capite, correpta fuerat, et postea extrema inferiora per triginta et octo annos habuerat paralytica, cito convaluit, dum, horrenda tempestate ingruente, fulmen illam ingens circumfulsit, et postea mulierem per quindecim annos et plures vidisse sanam testatur.’

Diemerbroekii observ. curat. med. observ. 10. p. 9.

Wardrope dissertat. de paralyfi, p. 46.

Hall dissertat. de elect. p. 39.

Phil. Trans. vol. 1. part 2. p. 481. — Ibid. vol. 50. part 1. p. 392.

De Haen rat. medend. vol. 1. p. 228.

Priestley's history, vol. 1. p. 477.

Recueil sur l'électricité médicale.

Duncan's medical cases, p. 189.

Tremor.

Casum tremoris paralytici electricitate, aliis antispasmodicis frustra tentatis, depelli novi. Dr Saunders motus palpebrarum tremuli, a prolapsione orti, in Medicis Commentariis mentionem injicit, in quo ad electricitatem feliciter fuit decursum.

De Haen ratio medend. vol. 1. p. 53.

Medical Comment. vol. 3. p. 398.

Tetanus.

Dr Watson morbi illius horrendi, tetani universi, curationem refert. Ægrota fuit una ex hisce puellis, quae in nosocomio, ubi infantes expositi tolli consueverunt, educabantur, septem annos aut circiter nata. Prius morbo a vermibus proficiscente, deinde tandem universa musculorum

lorum rigiditate correpta est, adeo ut totum corpus speciem potius animalis mortui, quam vivi, prae se ferret. Hoc in statu miserrimo circa mensem manserat, et sub medium Novembrem, ubi omnia alia medicamenta nihil profuerant, eam ictibus electricis subdere coepit vir celebris. Hoc ex intervallis ad extremum Januarium, qui secutus, facere perrexit, quo tempore omnes corporis ejus muscoli ex toto flexiles evaserant, et voluntati parebant, adeo ut non tantum semet erigere, sed ambulare et etiam currere, in modum aliorum suae aetatis puerorum, facile posset.

Phil. Transf. vol. 53. p. 10.

Priestley's hist. vol. I. p. 475.

Chorea Sancti Viti.

Insignis hujusce morbi curatio a Fothergillio, in Philosophicis Transactionibus, memoriae proditur. Medicamenta volatilia et foetida cum balneo calido singulis noctibus parum prospere fuerant praecepta. Deinde ad epispastica et antispasmodica, praesertim flores zinci, fuit decursum, quae a die Junii sexto ad initium Julii, sed ne quidem cum minima signorum levatione, continuata. Quinto Julii electricitate percussa est. Scintillae e brachiis, collo,

et capite eliciebantur, quod perspirationem non admodum modicam fecit, et eruptio in fronte sese ostendit. Succussus deinde per manus, brachia, mammas, et dorsum accepit, et ex hoc tempore signa levata, brachiis animi imperio parere incipientibus. Ictibus electricis ter obiecta potuit ambulare, et ex eo tempore ad sanitatem absolutissimam gradatim reducta.

Phil. Transf. vol. 69.

De Haen ratio medend. vol. 1. p. 234.

Trismus.

Dr Eduardus Spry refert, se trismum et paralyfin, quibus laboraverit puella octodecim annos nata, ex toto fuisse. Musculi, praesertim partis affectae, succussionibus parvis fuerunt obiecti.

Phil. Transf. vol. 57. p. 88.

Ischuria.

Electricitas hoc in morbo nosocomio Edinenfi feliciter fuit adhibita. Exemplum utilitatis ejus insigne praebet casus qui subsequitur: ‘ B—— K——, cum plaga inferiori abdominis parti aliquanto supra os pubis fuisset
‘ inflicta,

‘ inflicta, dolorem partis continuum in octo dies quæsta
 ‘ est, cum urina ei excerni ex toto cessavit. Secundo die,
 ‘ postquam obstructio urinae accessit, succussionibus elec-
 ‘ tricis fuit subjecta, quæ excretionem urinae bene copio-
 ‘ sam reddiderunt. In quinque ex eo tempore menses ad
 ‘ machinam electricam semet quotidie conferre coacta,
 ‘ quæ ut modicam urinae quantitatem excreverit semper
 ‘ fecit.’

Amenorrhœa.

Illustrissimus Van Swieten, de morbis virginum propriis differens, inquit : ‘ Cum potestas electrica in cura-
 ‘ tione morborum adhiberi coepit, menstrua per eam non
 ‘ parum augeri, et multo copiosius, quam quolibet alio
 ‘ ante tempore, provenire notata. Succussus electricus,
 ‘ in morem fulguris, in omnia momento penetrat ; hinc
 ‘ vascula aperiuntur, motusque humorum non parum au-
 ‘ getur.’

Cullenus celeberrimus opinionem super hac re fortius etiamnum enunciat, quodque sequitur tradit : ‘ The va-
 ‘ rious medicines recommended as stimulants to the ute-
 ‘ rine vessels, under the title of Emenagogues, have never
 ‘ appeared to me to be effectual ; and I cannot perceive
 ‘ that

‘ that any of them are possessed of a specific power in this
 ‘ respect. One of the most powerful means of exciting
 ‘ the action of the vessels in every part of the system, is
 ‘ the electric shock ; and it has been employed with suc-
 ‘ cess for exciting the vessels of the uterus.’

Vir celebris Dr Musgrave, de phthisi pulmonali in prae-
 lectione sua tertia Gulstoniana, coram collegio medicorum
 Londinensi tradita, agens de ea specie, quae a mensibus
 suppressis oritur, sequentia tradit : ‘ That the power of
 ‘ the electric shock, in removing either the obstructions
 ‘ themselves, or at least their concomitant disorders when
 ‘ recent, is so great, I could almost say so miraculous,
 ‘ that I do not except even these from the possibility of
 ‘ a cure.’

Clarus Birch, qui librum demonstrandi consilio, quam
 efficax ad menstrua suppressa tollenda sit electricitas, nuper
 in vulgus edidit, exempla multa proferenda curavit, quae
 plane ostendere videntur, nullum in tota materia medica
 electricitate ad hunc morbum depellendum medicamen-
 tum esse accommodatius. Quinetiam electricitas in no-
 socomio Edinensi in amenorrhoeam multum posse re-
 perta.

Birch's considerations on the efficacy of electricity, in removing female obstructions.

Edinburgh phys. essays, vol. 3.

De Haen ratio medendi, p. 237.

Duncan's medical cases, p. 142.

Medical Commentaries, vol. 3. p. 402. et 407.

Dysphagia.

Duncanus celebris exemplum hujusce morbi, quod sanavit electricitas, admodum insolitum memorat. Percivallius affirmat, cum spe successus prosperi posse adhiberi; opinatur tamen plus auxilii in exemplis rigiditatis, quam laxitatis, muscutorum, inde sperandum.

Percival's medical and experimental essays, vol. 2. p. 151.

Duncan's medical cases, p. 176.

Contractiones Muscutorum.

Has autem electricitas saepe sustulit. Cum primum mortalium corporibus fuit applicata, hoc in morbo, quantum novimus, a Professore Kratzenstein Hallae adhibita, qui anno 1744 mulierculam, cui digitus minimus contractus, intra semihoram ea sanavit. Exemplum huic
 confimile

confirmile in Medicis Commentariis refert Dr Eafon. Curationem muscularis contractionis admodum infignem in Philofophicis Tranfactionibus memoriae tradit clarus Partington. Virgini cuidam generosae, nempe, caput pone humerum dextrum detractum, et pars ejus posterior adeo circumtorta, ut facies latus oppofitum verfus oblique fpectaret, quam ob deformitatem nec pedes, nec fcalas inter descendendum, poterat videre. Musculus fterno-maftoideus fuit contractus et rigidus. Morbum ante biennium incepiſſe affirmavit. Caput uſu electricitatis naturali poſiturae redditum.

Med. Comment. vol. 5. No. 2. p. 83.

Prieſtley's hiſt. vol. 1. p. 472.

Phil. Tranſ. vol. 68.

Excretio Taeniae.

Certior fui factus ab aegroto, cui ſumma fides poteſt haberi, quique hoc morbo laboraverat, et alia remedia ſumpſerat, proſpero ſine ſucceſſu, iſtum electricum ad vermem expellendum ſuffeciſſe.

Raucedo.

Raucedo.

Partington Londinensis, ut ab aliquo accepi, electricitatem in raucedine, quae inveteraverat, prospere adhibuit. Caeterum, in duo exempla pertinacia nihil omnino potuisse scio, quorum alterum curae viri clari modo positi fuit demandatum. Quinetiam a celebri Dr Home, in nosocomio Edinensi, ubi omnia alia remedia male cesserant, sed infeliciter, tentari vidi. Non tamen negandum in affectibus levioribus nonnunquam prodesse.

Contusiones, nimiaeque artuum distensiones.

Has sanavit electricitas, ad quam Londini in distensionibus nuper saepe decursum.

Medical Commentaries, vol. 3. p. 400.

Tumores Cancerosi.

Hos discutit haud dubie electricitas. Casum mulieris cujusdam, loco honesto natae, in Medicis Commentariis refert Dr Eason, quae, tumore cancroso laborans ictu, fulguris leviori ad sanitatem reducta. Quinetiam electricitas, Cavallo teste, effectus non parvos et optabiles in can-

cro inveterato edidit. Ægrotam adeo levabat fluidum per punctum metallicum e parte extractum, ut dolores gravissimi, quibus multos in annos fuisset objecta, ex toto fere decesserint. Si fluidum puncto ligneo eliciebatur, dolores potius crescebant.

In morbo hujusmodi, in quem tam pauca remedia unquam potuerunt, parum quidem ab electricitate sperandum. Nihilominus vero eo, ut ad ultimum, quanquam anceps, remedium, prudenter confugiatur!

Medical Commentaries, vol. 2. p. 82.

Cavallo, p. 58.

F I N I S.

